

卷四

疫證集說

附經驗簡便良方
陸潤庠題籤



疫證集說卷四

集書三十八 選方十七

嘉定余德壘伯陶手編

國朝

御定醫宗金鑑

幼科心法瘟疫條註云瘟疫一證乃天地之厲氣流行沿門闔戶無論老少強弱觸之者卽病蓋邪氣自口鼻入故傳染之速迅如風火瘟疫疹痧條註云傷寒發斑疹痧皆因汗下失宜外邪覆鬱內熱泛出而成也惟時氣傳染感而卽出亦猶疫之爲病烈而速也

醫門法律 喻嘉言撰

夫四時不正之氣感之者因而致病初不名疫也因病致死病氣尸氣混合不正之氣斯爲疫矣以故鷄瘟死鷄猪瘟死猪牛馬瘟死牛

疫證集說

御定醫宗金鑑

一素盒刊行



馬推之於人何獨不然所以饑饉兵凶之際疫病盛行大率春夏之交爲甚蓋溫暑熱濕之氣交結互蒸人在其中無隙可避病者當之魄汗淋漓一人病氣足充一室况於連牀並榻沿門闔境共釀之氣益以出戶尸蟲載道腐瑾燔柴掩席委壑投厓種種惡穢上溷蒼天清靜之氣下敗水土物產之氣人受之者親上親下病從其類有必然之勢

治瘟疫須分上中下三焦蓋人之鼻氣通於天故中霧露之邪爲清邪從鼻息而上入於陽入則發熱頭痛項強頸攣正與俗稱大頭瘟蝦蟆瘟之說符也口氣通於地故中水土之邪者爲飲食濁味從口舌而下入於陰入則必先內慄足膝逆冷便溺妄出清便下重臍築湫痛正與俗稱絞腸瘟軟脚瘟之說符也然口鼻所入之邪必先注中焦以次分布上下不治則胃中爲濁營衛阻而血凝其釀變即現

中焦俗稱瓜瓢瘟疙瘡瘟等症則又陽毒瘡膿陰毒徧身青紫之類也此三焦定位之邪也治法於未病前預飲芳香正氣藥則邪不能入倘邪入則以逐邪爲要上焦如霧升而逐之兼以解毒中焦如瀉疏而逐之兼以解毒下焦如瀆決而逐之兼以解毒營衛既通乘勢追拔勿使潛滋方爲盡善

傷寒翼 蔣示吉撰

溫疫伏邪傳入胃中水穀得疫邪而蒸熱疫邪附水穀而熾盛上薰三陽而陽經之證漸生下陷三陰而攻下之證又現熱傷血分或畜血或斑疹熱瘀水道或溺閉或發黃熱傷神氣則譫語狂亂熱傷津液則燥渴便硬蜂起變症皆由胃中疫熱而然故善治者宜急清其胃中之熱胃熱一清諸症悉愈如釜底無薪沸自不作不煩揚湯之誚也

疫邪乘於胃而漸下蒸熱水穀或爲硬糞或爲臭穢一次下之邪不能盡故下之有至再至三之道但連下之故一因下後復熱下症不減而再下之三承氣湯選用一因下後元氣虛弱不敢峻下惟用熟大黃錢許加各證藥中以和之此補下兼施法一因腸胃乾枯燥糞粘結而用滋補潤下之品間服以和之結開燥潤爲止此間下法也

醫通 張路玉撰

時行疫癘非常有之病或數年一發或數十年一發多發於饑饉兵荒之後發則一方之內沿門闔境老幼皆然此大疫也亦有一隅偶見數家或一家止一二人或三五人病證皆同者此常疫也即如痘癰癩斑之類或越一二年或三五年一見非若大疫之盛行所以人不加察耳即如軟脚瘟證醫者皆以腳氣目之捻頸瘟證醫者皆以喉痺目之絞腸瘟證醫者皆以臭毒目之楊梅瘟證醫者皆以丹腫

目之黑骨瘟證醫者皆以中毒目之瓜瓢瘟證醫者皆以蓄血傷寒目之惟疙痞瘟之闔門暴發暴死大頭瘟之驟脹熱蒸穢氣過充不敢妄加名目也

臭毒俗名發沙

嘗考方書從無沙證之名惟觸犯臭穢而腹痛嘔逆世俗以磁器蘸油刮其脊上隨發紅斑者謂之曰沙甚則欲吐不吐欲瀉不瀉乾嘔絞痛者曰絞腸沙近時有感惡毒異氣而驟發黑沙俗名番沙卒然昏倒腹痛面色黑脹不呼不叫如不急治兩三時卽斃有微發寒熱腹痛麻瞤嘔惡神昏者或澀澀汗出或隱隱發斑此毒邪炊發於表也亦有發卽瀉利厥熱腹脹無脈者此毒邪內伏不能外發也所患最暴多有不及見斑而殂者經謂大氣入於藏府雖不病而卒死是也初覺先將紙撚點捺頭額卽以蕎麥焙燥去殼取末三錢溫湯調

服重者少頃再服卽安

此病起於漠北流入中原故以番沙目之原夫此病與瘴癘相似瘴則觸冒山嵐瘴氣此則觸冒惡毒異氣與時行疫癘不殊但時行則沿門闔境傳染此則一人驟感死於一日半日之間不似時行之可以遷延數日也

溫熱暑疫全書 周楊俊撰

吳又可論尋常所有疫癘喻嘉言論天地不正大疫各極暢快不可執一要知瘟疫有傷氣傷血傷胃之殊故見證不同治亦稍異若入藏者則必不知人而死矣大法以證爲則毋揣以脈爲據也從來疫癘行於兵荒之後居多不但人之中氣先弱也良由所積之穢氣特甚耳

瘟疫之證其來無方然而召之亦有其故或人事之錯亂或天時之乖違或尸氣之纏染或毒氣之變蒸皆能成瘟疫之病也證既不同治難畫一然而瘟疫之人大多火熱之氣蘊蓄於房戶則一家俱病蘊蓄於村落則一鄉俱病蘊蓄於市廛則一城俱病蘊蓄於道路則千里皆病故證雖多但去其火熱之氣而少加祛邪逐穢之品未有不奏功效者也

辨證錄 同上

城市鄉村傳染瘟疫多至死亡其證必頭痛眩暈胸膈膨脹口吐黃痰鼻流濁水或身發紅斑或髮如焦黑或嘔涎如血或腹大如箕或舌爛頭大或脇痛心疼種種不一象形而名

福建香茶餅

能辟一切瘴氣瘟疫傷寒穢氣不時噤化

沉香 一兩

白檀香 一兩

兒茶 二兩

粉甘草 五錢

麝香 五分

冰片 三分

右藥共爲細末糯米湯調丸黍米大噙化

證治要義

陳惠民撰

嘗憶康熙辛丑年撫郡大旱赤地千里鄉村瘟牛其牛鼻無汗頭低尾垂行走不動泄瀉青糞而死屠戶剝開見其膽大如瓶俗謂之脹膽瘟也次年大飢野有餓殍猪亦病瘟其猪身熱吼喘皮外起小炮數十枚炮破則死宰夫剖開見其肺脹塞滿上膈血水臭惡難聞雍正丁未年在河南見羊瘟其羊大叫跳躍屎尿不出四足拳曲而死其腸一節紅一節黑絞結倒亂脂膜枯槁乾隆辛酉年在廣東見馬瘟其馬皮肉跳動口內出血不食水草徧身腫脹而死其尿脬外有一血塊塞其前竅此皆親眼看見雖是物類將絕之時其臟腑必先受其病者比之於人何獨不然以是知牛之脹膽瘟卽人之少陽病

也汗之不能下之不可從乎中治而邪難外出蓋少陽胆火藏于厥陰肝木之內木火相煽腹內如焚煎燭真陰盡從大腸而出所以洩瀉青糞也瀉久亡陰所以不能走動而爲軟脚瘟也自後見有軟脚如牛者必除肝膽之風火滋養肺腎之金水或可保其天年夫牛於春夏用力作勞汗血虧殘而又口食旱草身受熱氣熱毒藏於肝膽膜原之間以此知其必發瘟病至於猪病皮起小皰卽人之疙瘡瘟也羊病屎尿不出卽人之絞腸瘟也馬病徧身腫脹卽人之大頭瘟也物病亦可方人是必折其鬱氣資其化源同天氣者寒清化同地氣者溫熱化用寒遠寒用熱遠熱假者反常反是者病有心濟世者當不以務言爲謬

天文誌載瘟星廣輿記載眚氣瀘水有啞泉海南有瘴氣避之則吉逆之則凶疫邪着人猶啞瘴也中其毒者起先凜凜惡寒隨而渾身

發熱下身如火烙頭痛如刀劈汗出熱不退晝夜無寧時

痧脹玉衡書 郭右陶撰

凡傷寒頭痛寒熱諸證或當暑天或觸穢氣或疫癘所感忽犯痧脹是惟認脈看筋辨之先治其痧痧退之後乃治傷寒若誤飲熱湯藥慢者猶可緊者立時見凶

徧身腫脹痧 痧者暑熱時疫惡毒之氣攻於裏則爲痰喘爲血瘀昏迷沉重不省人事若元氣壯實內不受邪不入於裏卽散其毒於肌膚血肉之表爲腫爲脹若誤飲熱藥熱酒便成大害此痧之暗者宜從脈異處辨之用寶花散桃仁紅花湯

傷寒黃斑兼痧 讀傷寒書有發黃發斑余以爲有痧焉者蓋發黃發斑皆即傷寒現證也或中穢氣或因暑氣或感時行不正之氣遂兼痧脹卽傷寒兼痧之說也

痧痢 夏傷於暑秋必瘧痢痢疾初發必先泄瀉腸胃泄瀉必致空虛內虛則易感觸穢惡之氣卽成痧痛或天氣炎熱時行疫癘感動腸胃因積而發亦致痧痛夫痢不兼痧積去之後便可得痊卽甚凶極藥無不效若一兼痧勢必絞痛異常祇治其痢用藥無效或變痢如豬肝色或變痢如屋漏水或變痢惟血紅水或變噤口不食嘔噦凶危或變休息久痢歲月綿延常苦痢患余惟先治其痧兼治其積則痧消而積易去積去而痧可清凡遇痢疾如此治之無不奏功誠爲良法

治痧之法 肌膚痧用油鹽刮之則痧毒不內攻血肉痧看青紫筋刺之則痧毒有所泄腸胃脾肝腎三陰經絡痧治之須辨經絡臟腑在氣在血則痧之攻內者可消可散可驅而絕其病根也

刺螫瘟痧 時有壯熱煩悶徧身痛如刺螫所傷俗傳名爲刺螫瘟

痧放腿灣二十餘針用穿山甲殭蠶角刺加活血順氣之藥

地蔔瘟痧 俗傳一種地蔔瘟者亦痧也治法同前徧身腫脹痧

寶花散

鬱金 三錢

細辛 三錢

降香 三錢

荊芥 四錢

右藥共爲末須研極細清茶調三匙冷服

桃仁紅花湯

桃仁泥 一錢

紅花 一錢

蘇本 一錢

青皮 八分

烏藥 四分

獨活 六分

白蒺藜

炒去刺 一錢二分

水煎服

晰微補化全書

王養吾撰

痧亦時行之氣所鍾所稱大頭瘟者下部非不病也惟上部獨甚耳
所稱疔瘡瘟者內非不病也特現於外耳所稱蝦蟆瘟者腹非不病
也特痺於喉耳他證多端惟以清熱解毒治之先上先下從內從外



因病而施方能中病

已巳年不拘老幼男婦素常無病輒僵仆厥冷呼吸脉息俱無目翻須臾而死矣有陡然心腹大痛滾地叫號面青唇黑不半日而死矣又有正在做活無端手足麻痺舌縮涎流欲語不能出聲筋抽冷汗而死矣更有稀奇怪病其證耳所未聞目所未覩滿身青紅紫黑而死矣此外種種情狀難以悉舉任他老手名醫何能識認誰敢用藥有不束手待斃者乎若此者不治固死治不如法更速其死予書既成針藥佐理雖不敢擬上工十全其九亦得如中工之十全六七俾世人咸知痧脹之利害不致投劑之乖方庶使大地春回天工人代寧不快哉

痧筋不同有現者有微現者有乍隱乍現者有伏而不現者其現者毒入於血分者多乍隱乍現者毒入於氣分者多微現者毒阻於氣

分者多伏而不現者毒結於血分者多

在北曰青筋曰馬頭瘟江浙謂之痧閩廣謂之瘴氣其實一也宜料平胃散加草菓檳榔

閩廣瘴氣由蛇獸惡蝕而成凡山行見有黑氣飛過急伏地掩鼻俟過再行若嗅其毒卽腹痛寒熱臉甲青紫急用平胃散加檳榔紫蘇半夏葱薑煎服汗出爲度玉樞丹亦妙

急證昏迷先觀唇舌色黑者凶黃者重淡紅者畧輕蓋黃知內熱黑知熱極淡紅雖熱用藥不可太冷

凡痧脈微細者生實大急數者重洪大無倫者凶一部無脈者輕一手無脈者重兩手無脈者死

琅環青囊要 陳太初撰

瘟疫雖由時氣所觸無不從食滯未消而得之故證有宜于吐者食

結胸膈者宜吐或寒邪濁氣內陷膈間而爲痞爲痛者宜吐蓋吐中自有發散之理若中氣虧損則大非所宜用吐之藥中病即已不必盡劑

瘟疫宜于下者必其陽明邪入于府而便結腹痛者方可下或元氣素強胃氣素實者亦可下其或數日大便不出而腹不脹痛及便中不覺其壅閉與夫數日不食而胸腹坦然輒而不痛者此其陽明胃府本無實邪切不可妄下妄攻以泄其中氣中氣之泄下爲最甚不可忽也

洄溪醫案 徐靈胎撰

雍正十年崑山瘟疫大行因上年海嘯近海流民數萬皆死於崑埋之城下至夏暑蒸尸氣觸之成病死者數千人汪翁天成亦染此證身熱神昏悶亂煩躁脈數無定余以清涼芳烈如鮮菖蒲澤蘭葉薄疫證集說

荷青蒿蘆根茅根等藥兼用辟邪解毒丸散進之漸知人事因自述其昏暈時所歷之境雖言之鑿鑿終虛妄不足載也余始至崑時備應酬不令人知會翁已愈余將歸矣不妨施濟語出而求治者二七家檢其所服皆香燥升提之藥與證相反余仍用前法療之歸後有葉生爲記姓氏愈者二十四死者止三人又皆爲他醫所誤者因知死者皆枉凡治病不可不知運氣之轉移去歲因水濕得病濕盛之極必兼燥化內經言之甚明况因證用藥變化隨機豈可執定往年所治祛風逐濕之方而以治瘟邪燥火之證耶

傷寒大白 秦皇士撰

傷寒論惟註溫疫寒疫不知六氣之不正者皆能發疫也故各隨時氣之不正者主治則得之矣總之時令應煖而反寒散寒邪即是治疫時令應寒而反溫清溫熱即是治疫應燥而反濕祛濕邪即是治

